

非。謬信惡知識。習邪法。莫空此生。

第三正明爲末代凡夫善知識者。問云。善財童子值五十餘知識。其中有普賢文殊。

觀音彌勒等。常啼班足妙莊嚴阿闍世等奉值曇無竭普明耆婆二子夫人離生死。

此等皆大聖也。佛去世之後爲難得如是之師。於滅後亦去龍樹天親。不值南岳。

天台。如何可離生死乎。答曰。於末代有眞實善知識。所謂法華涅槃是也。問云。以

人爲善知識常習也。有以法爲知識證乎。答云。以人爲知識常習也。雖然於末代

無眞知識以法爲知識有多證。摩訶止觀云。或從知識。或從經卷。聞上所說一實

菩提。此文意以經卷爲善知識。法華經云。若法華經行閻浮提有受持者應作

此念。皆是普賢威神之力。此文意末代凡夫信法華經普賢善知識力也。又云。若

有受持讀誦正憶念修習書寫。是法華經者。當知是人則見釋迦牟尼佛。如從佛

口聞此經典。當知是人供養釋迦牟尼佛。見此文法華經釋迦牟尼佛也。不信

法華經入前釋迦牟尼佛取入滅。信此經者前雖爲滅後佛在世也。又云。若我成佛滅

度之後於十方國土有說法華經處。我之塔廟爲聽。是經故涌現其前爲作證明。

此文意我等唱法華名號多寶如來本願故必來。又云。諸佛在於十方世界說法盡還

① 涌=踊